



Universitätsbibliothek Paderborn

**Disputationes|| ROBERTI BELLAR-||MINI E SOCIETATE
IESV,|| DE CONTROVERSIIS CHRISTIANAE|| FIDEI,
ADVERSVS HVIVS TEM-||poris Hæreticos,||**

Tribus Tomis comprehensæ.||

De|| EXTREMA VNCTIO-||NE, ORDINE, ET MATRI-||MONIO.|| SINGVLIS LIBRIS
EX-||PLICATA.||

Bellarmino, Roberto Francesco Romolo <Heiliger>

Ingolstadii, [1599]

VD16 B 1607

X. De polygamia multarum vxorum simul.

[urn:nbn:de:hbz:466:1-54104](https://nbn-resolving.de/urn:nbn:de:hbz:466:1-54104)

*mō nec trigamos, et si dici potest, octogamos, &c. & in comment. cap. i. ad Tit. dicit, librum de Monogamia Tertulliani, vbi secundæ nuptiæ damnantur, esse hæreticum; & in epistola ad Gerontiam de Monogamia: Quid igitur? inquit, *damnamus secunda Matrimonia? minimè; sed prima lamen-damus: abiicimus de Ecclesia Digamos? absit; sed Monoga-mos ad continentiam prouocamus.* Itaque S. Hieronymus non illicitas secundas nuptias esse censebat; sed si quando-
hementius ad Monogamiam hortabatur, id faciebat tum à
more pudicitæ, quo sanctissimus ille vir mirè ardebat, tum
ob incontinentiam multorum, qui non contenti secundo,
aut tertio, vel etiam quarto Matrimonio, vsque ad viceimum
ali quando progrediebantur: refert enim in eadem epistola
ad Gerontiam, Damasi tempore fuisse Romæ par coniugum,
quorum alter viginti vxores sepelierat, altera maritos virgini,
& vnum.*

Vnus tamen adhuc scrupulus remanere videtur. Nam cùm Catholici doceant, Bigamos defectu Sacramenti non posse ad sacros Ordines promoueri, videtur secundum Matrimoniū apud Catholicos, vt Kemnitius dicebat, Sacramento carere.

R E S P O N D E O, Bigami, defectu Sacramenti, sacraminitian nequeunt, non quod eorum Matrimonium Sacramentum non sit, sed quod perfectione quadam Sacramenti caret. Quenam Monogamus est, significat Christum ita esse vnum vi-nius coniugis virum, vt nunquam alteram habuerit: qui autem Bigamus est, significat quidem Christum esse vnum vi-nius, quod ad Sacramentum sufficit: sed non significat ita esse vnius, vt non fuerit alterius; & tum defectu huius significationis, tum ob alias causas, de quibus egimus in disputacione de Bigamia Clericorum, Bigami ad sacros Ordines non assumuntur.

C A P V T D E C I M V M. *De polygamia multarum vñorum simul.*



V N C V T A D A L T E R A M partem huius controver-siæ veniamus; primus qui inter Christianos poly-gamię aditum patefecit, videtur fuisse Valentini-a-nus

nus Imperator, alioqui pius & Catholicus Princeps. Is enim
(vt Socrates refert, lib. 4. hist. cap. 27. cùm amore captus es-
set Iustinæ cuiusdam, eamque in Matrimonium ducere vellet,
revera priore coniuge Seuera, ex qua Gratianum filium iam
suscepserat : vt colore aliquo intemperantiam suam tegeret;
legem promulgauit, vt liceret ynicuique duas simul coniu-
ges habere.

Nostro tempore Martinus Lutherus, vt alios errores innu-
merabiles, ita etiam hunc errorem, cuius ferè nulla memoria
apud fideles extabat, ab inferis reuocare conatus est. Nam in
propositionibus de Bigamia Episcoporum, quas edidit anno
M. D. XXVIII. ita scripsit, propositione 65. & 66; *Nota sunt*
ira Mosaica, de fratre defundi uxore, & de filia corrupta
minto patre, quæ cogunt plurimum esse uxorum virum: quæ
non magis sunt abrogata, quam reliqua omnia, id est, libera,
nec prohibita, nec præcepta. & suprà in propositione 62. &
sequentibus, dicit, apud Ethnicos fortasse scandalum fore, si
Christianus plures vxores habeat: tamen inter Iudeos non
esse scandalum, & ideo non posse ostendi id esse illicitum. Et
quia in toto Europa, & Africa vix vlli sunt cum Christianis
Ethnici, sed tantum Iudei, & Mahometani, quibus vxorum
multitudinem Pseudopropheta suus concessit; secundum Lu-
theri sententiam liceret in his omnibus regionibus vxores
multas ducere. Quid? quod idem Lutherus in explicatione
Genesios, quam anno M. D. XV. edidit, in commentario
ad cap. 16. non obiter, sed ex professo disputat, utrum Chri-
stianis liceat exemplo Abrahæ plures simul vxores habere: ac
tandem respondeat, id neque esse præceptum, neque prohibi-
tum, sed liberum; & se quidem nolle hanc nouam consuetu-
dinem introducere, sed nec improbare posse, cùm exempla
Patrum adhuc sint libera.

Hanc Lutheri sententiam Anabaptistæ sequuntur, vt Kem-
niti in 2. parte Examinis, pag. 1229. testatur; vbi fateretur
recte a Concilio Tridentino damnari hunc errorem de poly-
gamia plurium uxorum simul. Quare fateri debet, recte etiam
damnari Archiprophetam Lutheranorum, qui in eodem er-
tore fuit; vt reuera damnatur in 2. can. Concilij TRIDENTI-
NI, sess. 24. his verbis: *Siquis dixerit, licere Christianis plu-*
res simul habere uxores, & hoc nulla lege diuina esse prohi-
bitum,

bitum, anathema sit. Hæc enim verba Concilij, quæ à Kœnitio approbantur, propriè in Lutherum diriguntur, cuius est illa sententia, polygamiam non esse à Deo præceptam, nec prohibitam.

Neque est noua hæc definitio Concilij Tridentini. Idem enim definiuit olim Syrius in epistola 1. & Innocentius I in epist. 9. & Innocentius III. cap. Gaudemus, de diuor. acd. nique multi alij, in toto titulo de sponsa duorum, & apud Gratianum 24. quæst. 3. can. An non.

Potest autem hæc veritas his argumentis confirmari. PRIMO, Christus Matthæi 19. reuocat Matrimonium ad primam institutionem, ac vult eam deinceps valere. Sed prima institutio excludit polygamiam : igitur polygamia à Christo prohibita est. Maior propositio probatur ; nam Dominus interrogatus à Pharisæis, an liceret uxorem repudiare, respondit non licere : *Quia qui fecit hominem ab initio, masculum & feminam fecit eos, & dixit;* Propter hoc dimittet homo patrem, & matrem, & adhæredit uxori sue, & erunt duo in carne una : itaque iam non sunt duo, sed una caro. Quod ergo Deus coniunxit : homo non separet. Et cùm instarē Pharisæi, Mosem permisisse libellum repudij : Dominus iterum reuocans totam caussam ad primam institutionem, ait: *Ad duritiam cordis vestri Moses permisit vobis dimittere uxores vestras : ab initio autem non fuit sic, &c.*

Quod autem Matrimonium initio institutum omnino excludat polygamiam multatum uxoriū simul, probatur PRIMO ex modo loquendi ; illa enim verba in numero singulati: *Masculum, & feminam fecit eos.* & *Adhæredit uxori sue.* & *Erunt duo in carne una.* apertè indicant, Deum voluisse Matrimonium esse coniunctionem vnius cum una, non vnius cum multis.

SECUNDО ex illa explicatione Christi: *Itaque iam non sunt duo, sed una caro.* hæc enim verba significant Matrimonij initio instituti eum esse effectum, ut qui coniunguntur, sint una caro : at si unus multis iungatur, non erit una caro, sed multæ; nec tam fiet uno, quam diuisio pertale Matrimonii.

TERTIO patet ex ipsa prima creatione hominis. Nam si Deus voluisse Matrimonium esse vnius cum multis, creasset Adamo non unam tantum, sed multas fœminas, quas in ux-

res ducere potuisset. Nam non poterat Adam vxorem habere, nisi quæ cum illo creata fuisset a Deo; repugnat enim omnino naturæ, ut pater ducat filiam, aut neptem: omnes autem feminæ, præter Euā, filiæ, aut neptes fuerunt. Itaque coëgit Deus Adamum Monogamum esse.

Accedat V L T I M O consensus Patrum. Nam Hieronymus, Chrysostomus, Beda, Theophylactus, & Anselmus in commentatio, ad cap. 19. Matth Ambrosius in lib. de viduis extremito, & Augustinus lib. i. de nuptijs, & concupiscentia, cap. 9. docent Matrimonium initio institutum, excludere polygamiam; immò rationes paulò antè allatæ, ex his Patribus depromptæ sunt ferè omnes.

S E C V N D O, Christus Matthæi 5. & 19. Marci 10. & Lucæ 16. declarat eum, qui dimissa vxore aliam duxerit, mœchari. Ex quibus testimoniorum colligitur, polygamiam iure Evangelico esse omnino illicitam; nam ideo mœchari dicitur, qui dimissa priore aliam ducit; quia prior non poterat dimitti, & licet videatur dimissa coram hominibus, tamē adhuc vere est vxor illius, qui eam primò duxerat. Nam si per dimissionem defissit esse vxor, non mœcharetur vir eius, aliam dicens; quemadmodum non mœchatur, qui priore uxore mortua aliam ducit. **Q u o d** si mœchatur qui aliam ducit viuente priore, non licet igitur plures coniuges habere, nisi adulteria licita esse velimus; & si non licet aliam ducere, dimissa priore, multo minus, priore retenta. Nam non licet priore dimissa aliam ducere, quia prior adhuc est uxor; at multò magis est uxor que non est dimissa: quare viuente priore uxore, siue dimissa, siue retenta, illicitum est ducere aliam.

Hoc argumentum non videtur Caietano satis solidū: scribens enim Caietanus in cap. 19. Matt. dicit hoc argumentum non carere scrupulo, propter verba quædā Marci. Deinde scribens in cap. 10. Marci, explicat scrupulum antea notatum: est autē hic scrupulus, quoniam Marcus referens verba Domini, non dixit; *Qui aliā duxerit, mœchatur, sed: Qui aliā duxerit, mœchatur super eam.* Ex quo vult Caietanus intelligi (si tamē ego rectè illum intelligo; obscurius enim loquitur, more suo) secundum illud coniugium non vocari Christo adulterium simpliciter, sed adulterium in iniuriā prioris uxoris, id est, adulterium impropriè, & secundū aliquid, nō absolute, & propriè.

Sed iste scrupulus facile eximi potest. Nam IN PRIMIS: la verba: *Super eam*, non habentur apud Matth. cap. 19, & Lucam cap. 16. isti enim Euangelistæ absolutè dicunt, mœchari eum, qui aliam duxerit.

NEQUE obstat, quod Caïetanus dicit, debere exponi Matthæum & Lucam, per Marcum, qui addidit quod alij omis-
runt. Nam Euangelistæ licet interdum omittant aliquid,
quod ab aliis suppletur, tamen semper verum dicunt, & ita
sufficienter, ut possint intelligi etiam ab iis, qui non legerint
alios Euangelistas: alioqui ij, qui solum unum aliquando
habebant, decepti fuissent. Quare expositio vnius Euangeli-
stæ per alium, non debet esse talis, ut sine ea reddatur fallum,
quod aliquis eorum dixit. Oportet igitur, ut perspicuerum
sit quod Matthæus, & Lucas dicunt, videlicet absolute mœ-
chari cum, qui secundam uxorem dicit, prima viuente: alio-
qui decepti fuissent, qui Matthæum, aut Lucam sine Marco
legissent.

PRAETEREA illa verba: *Mœchatur super eam*, non tol-
lunt adulterium, sed ponunt, & aliquid præterea addunt. Mœ-
chari enim super dimissam vxoret, est verè mœchari, sed cum
injuria addita iniustæ dimissionis: & alter exponere, est sine
ulla causa relinquere propriam, & germanam verborum si-
gnificationem, & fingere tropos ad arbitrium, quod si liceret,
liceret etiam Scripturas omnes corrumpere, & depravare.

ADDE, quod Augustinus lib. I. de adulterinis coniugii,
cap. II. & Beda in commentario ad caput 10. Marci, ita Mar-
cum exponunt, ut nos diximus: & Innocentius III. cap. Gau-
demus, de diuortiis, totum argumentum, quod hactenus ex-
plicuimus, habet, & ante eum Innocentius I. in epist. 3. ad
Exuperium, cap. 6. & omnes alij Patres, quos in sequenti que-
stione citabimus, qui affirmant verè eum mœchari, qui vi-
uente priore uxore, etiam dimissa per repudium, alteri jun-
gitur.

SED fortè Caïetanus dicere voluit, mœchari super eam,
esse verum adulterium, quia dicitur tunc alia uxor, inuita
priore, quæ iniusta dimissa est: at retenta, & consentiente
priore, non esse adulterium, si ducatur alia; proinde non a-
pertè colligi ex verbis Domini, prohibitionem polygamiz.

RESPONDENS o consensu vxoris neque sufficit, neque re-
qui-

quiritur ad polygamiam licitam reddendam. Nam tempore Christiano, quo interdicta est polygamia, etiamsi prior vxor maximè vellet, ut maritus aliam duceret, non tamen id ei licet: tempore autem Patriarcharum, quo polygamia licita erat, non requirebatur consensus; ut pater de vxoribus Iacob. Non enim verisimile est, consensisse Liam, ut Iacob acciperet Balam Rachelis emulæ suæ ancillam in vxorem; neque contraconsensisse Rachelem, ut Iacob acciperet Zelphaim ancillam Liæ: sed Iacob iure suo vtebatur. Sic etiam David multas uxores accepit, prioribus id ignorantibus; neque usquam legitur, maritum periisse uxoris prioris consensum, vt ei licet aliam ducere. Quare non facit adulterium, inuita uxore aliam ducere, sed aliam ducere priore viuente, & uxore permanente.

TERTIO probatur ex Apostolo. Nam IN PRIMIS Apostolus ubique loquitur de Matrimonio, semper loquitur de vxore in numero singulari, ut 1. Corinth. 7. *Vnusquisque suam uxorem habeat. & Alligatus es uxori, noli querere solutionem, &c.* DEIN idem Apostolus apertissime scribit, vxorem non posse, viuente marito, alicui alteri nubere. Rom. 7. *Viuente viro vocabitur adultera, si fuerit cum altero viro.* Et 1. Cor. 7. *In qui Matrimonio iuncti sunt, præcipio non ego, sed Dominus, uxorem à viro non discedere, quod si discesserit manere innupta, aut viro suo reconciliari.* Et infra: *Mulier alligata est legi, quanto tempore vir eius vivit: quod si dormierit vir eius, liberata est à lege; cui vult nubat.* Quæ loca prohibent polygamiam ex parte foeminarum expressè, idest, prohibent ne foeminae sèpius nubant, viuentibus viris prioribus. Sed prohibent etiam consequenter polygamiam ex parte virorum, idest, ne viri plures simul uxores ducant. Nam licet minus repugnet rationi, ac naturæ, ut vir plures uxores, quam vxor plures maritos habeat, ut inferius demonstrabimus: utrumque tamen rationi repugnat.

Et PRAETEREA quidquid sit de iure naturæ, iure Evangelico pares sunt, vir, & foemina, quantum ad fidem, & debitum coniugale, ut ipse idem Paulus explicat 1. Corinth. 7. cùm ait: *Vxori vir debitum reddat, & uxor viro.* *Mulier sui corporis potestatem non habet, sed vir: similiter autem & vir sui corporis potestatem non habet, sed mulier.* Qui-

bus verbis Apostolus significat, in contractu Matrimonij, Christiani, quod est Sacramentum vnius Christi cum una Ecclesia, ita coniungi virum vxori, ut se totum illi tradat, tunc se tam viro mulier tradit: ex quo sequitur, ut sicut non potest mulier sine iniustitia se tradere alteri viro; ita nec possit vir sine iniustitia se tradere alteri fœminæ.

Quare S. Augustinus licet in libro de bono coniugali, cap. 17. scripsiterit, magis absurdum esse, si una mulier multis viis, quam si unus vir mulieribus multis iungatur: tamen in libro primo, de adulterinis coniugiosis, capite octauo, docuit patrem esse in Matrimonio Christiano fœminam viro, quod attinet ad monogamiam; & ideo sicut, Apostolo teste, mulier adultera erit, si viuente marito fuerit cum altero viro, ita etiam è contrario vir adulter erit, si viuente uxore fuerit cum alia fœmina,

Colligimus igitur ex Apostolo hanc rationem; Mulier non potest iuxta Apostoli doctrinam plures viros habere; Sed iuxta eundem Apostolum pares sunt, vir & mulier, in hac re; Non igitur potest iuxta Apostolum unus vir plures uxores habere.

Q V A R T O polygamia tum ex parte viri, tum ex parte uxoris, iuri naturæ, & rationi Matrimonij repugnat; non igitur licita est, præfertim in lege Euægælica, quæ sustulit permisso[n]es omnes quæ erant in lege veteri. Antecedens, quod attinet ad polygamiam, qua una mulier multis simul viris nubetur, apud omnes certum, & exploratum est: nam talis polygamia repugnat omnibus Matrimonij finibus.

Possunt autem distingui quatuor fines Matrimonij, doctrinæ causa. Finis P R I M A R I U S est, suscep[t]io & educatio proli. At cum una mulier non nisi semel in anno parere possit, ab uno viro sufficienter fœtari poterit. Si verò pluribus iungatur, non solum non pariet sæpius, sed rarius, aut nunquam pariet: experientia enim testatur, meretrices infœundas esse. Deinde nemo virorum illorum, quibus eadem uxoris communis esset, filios suos nosset, quod sane educationi liberorum plurimum noceret.

A L T E R finis Matrimonij est, domestica societas, & communicatio operum, quæ ad vitam necessaria sunt. Nam vt Aristoteles docet libro 8. Ethic. cap. 12. vir & uxoris non iungantur

tur solùm ad procreandum, vt animalia cetera, sed etiam ad cohabitandum, vt simul familiam regant, & officia domestica inter se partiantur: alia enim munia viro, alia uxori conueniunt. Hic autem finis omnino impediretur per multitudinem virorum in eadem familia: essent enim multa capita unius corporis. Quocirca sicut multi serui possunt esse unius Domini, non tamen potest unus seruus multis dominis recte seruire: sic etiam potest aliquo modo unus vir multas conuges simul habere, nullo autem modo potest una fœmina multos simul habere maritos.

T E R T I V S finis est, vt sit coniugium in remedium contra concupiscentiam. At istud coniugium unius fœminæ cum multis viris, non modò remedium non adferret contra concupiscentiam, sed etiam iras, rixas, & discordias implacabiles excitaret inter riuales, vt notum est, quas discordias non posset vxor vlla ratione compescere, cùm ei conueniat subiici, & obedire, non præesse, & dominari.

Q U A R T V S finis est, vt sit Sacmentum Christi & Ecclesiae, cui fini maximè repugnat ista polygamia. Unus enim Deus est, cui Ecclesia iungitur, non multi: nec potest Ecclesia, sine anima quævis multis Diis coniungi, nisi forniciando.

Sunt autem hæ rationes **S.** Augustini lib. 3. de doctrina Christiana, cap. 12. & lib. de bono coniugali, cap. 17. vbi etiam hanc ipsam sententiam probat exemplo veterum Sanctorum. Inueniuntur enim quidam Sanctorum, qui plures vxores haberunt, sed quæ maritis pluribus iuncta fuerit, nullam omnino sanctarum legimus fœminarum.

Quod verò ad polygamiam illam attinet, qua unus vir multas vxores habet, non est omnino extra controversiam, an talis polygamia iuri naturæ repugnet. Durandus enim in 4. dist. 33. quæst. 1. & Alphonsus Episcopus Abulensis in cap. 19. Matth. quæst. 30. docent, non repugnare: Innocentius tamen Pontifex cap. Gaudemus. de diuortiis, & Theologi plenique in dist. 33. lib. 4. sententiam contrariam tuentur. Nam etiam si coniugium unius viri cum multis vxoribus, non repugnet P R I M O fini Matrimonij, id est, prolixi propagationi, & educationi; cùm facile possit unus vir ex multis fœminis libertos procreare, & alere; tamen aliis finibus aperte repugnat.

Nam SECUNDVS ille finis, qui est socialis cohabitatio, & domus gubernatio, non parum impeditur per vxorum multitudinem. Siquidem vxor, licet sit viro subiecta, non tamen ut famula, sed ut socia, & collateralis: & ideo ipsa quoque in domo principatum habet, ut fusè tradit Chrysostomus hom. 20. in epistolam ad Ephesios: & idem probat S. Thomas part. quæst. 92. artic. 3. ex ipsa productione mulieris: ideo enim non ex capite, neque ex pedibus, sed ex latere formata est, ut neque dominetur viro, neque subiiciatur in star ancilla, sed socia sit, & collateralis. Quod etiam testantur honorum vocabula: Regum enim vxores Reginæ, & Augustorum Augustæ dicuntur. Iam vero omnis principatus sua natura diligit singularitatem, ut Augustinus docet libro de bono coniugali cap. 17. repugnet igitur Matrimonio, ut unius viri plures sint coniuges.

Atque hinc intelligimus argumentum Augustini loco citato, quo ipse probat, non ita esse contra rationem, si unus vir plures uxores habeat, quemadmodum est contra rationem, si una mulier multos viros habeat; quia non est contra rationem, ut unus Dominus multos seruos habeat; cum sit contra rationem ut unus seruus multos habeat Dominos. Intelligimus, inquam, hoc argumentum non probare, non esse abolutè contra rationem, ut unus vir multas uxores habeat: Siquidem magnum est discrimen inter subiectionem seruorum ad dominum, & subiectionem vxoris ad virum; sed tantum probare, minus esse absurdum, ut unus vir plures uxores, quam una mulier plures viros habeat, cum vir sit caput mulieris, non contra mulier viri.

TERTIVS finis, qui est remedium contia concupiscentiam, impeditur etiam per istam polygamiam unius viri cum multis uxoribus. Nam sine dubio non potest unus vir ita debitum reddere multis uxoribus, atque redderet vni: & videatur, ut in tertia ratione diximus, iniquitas quædam, ut uxori se totam viro tradat, vir autem non se totum vxori. Et PRAETER TERRÆ cum vix fieri possit, ut non magis una diligatur, quam altera, inde rixæ, & contentiones ex hac polygamia facile nascentur: sicut etiam inter sanctas foeminas, Sarah & Agar, Liam, Rachel em natas esse, Scriptura testatur, Genes. 16. & 30. & inter Annam & Phenennam, 1. Reg. 1. NEQUE verum est, quod

quod scribit Durandus, eiusmodi rixas per accidens oriri, ex prauitate scilicet fœminarum. Nam è contrario potius per accidens fieret, ex bonitate fœminarum, si eæ non orirentur, cùm eas polygamia secum adferat.

Q V A R T V S denique finis, nimirum **Sacramentum**, sine controuersia polygamiæ repugnat.

HIS ACCEDIT prima institutio: si enim polygamia natura conformis esset, sine dubio Deus initio illam instituisset, cùm & esset eo tempore maximè necessaria ad propagandum genus, & naturalis origo tunc formaretur. At è contrario Deus initio monogamiam instituit, vt in prima ratione ostendimus; non est igitur polygamia secundum naturam.

Q V I N T V M argumentum sumi potest ex Ecclesiæ consuetudine. Si enim polygamia Christianis licita esset, aliquod exemplum proferretur probatorum Christianorum, qui plures simul coniuges habuissent. Mirabile enim est, exempla Patriarcharum, vt Lutherus dicit, semper fuisse libera, & licita: & tamen nullum probum virum nominari posse, qui in totis M. D. annis exempla illa imitatus cum laude fuerit.

Quid? quod non solum Christiani semper monogamiam coluerunt, sed etiam Ethnici apud Romanos. Nam in Iure ciuili ab Imperatoribus Gentilibus infamia nota, aliisque pœnis polygami afficiuntur, vt patet, ff. de his, qui notantur infamia, leg. i. item C. de incestis nuptiis, leg. Neminem. & ad legem Iuliam, de Adulteriis, leg. eum qui. Aristoteles etiam tum in Politicis, tum in utroque Oeconomico, monogamiam præcipit. Sed de his haec tenus.

C A P V T XI.

Soluitur argumentum aduersariorum ex Patriarcharum exemplo ductum.

Sed argumentum soluendum est Lutheri, & Anabaptistarum, quod ab exemplo Abrahæ, Iacob, Dauid, aliorumq; Patriarcharum sumitur, quos & vxores multas habuisse & simul Deo gratos, atque acceptos fuisse constat. Quod argumentum variis modis dissolui solet.

II 5

Qui